


Presiden Henry B. Eyring

Nambawan Kaunsela insait long
Nambawan Presidensi



Dispela Hop bilong Oltaim Oltaim Femili Lav

Long olgeta dispela presen Papa bilong yumi long Heven husat i lavim yumi tumas i givim long ol pikinini bilong Em, dispela bikpela moa em laip oltaim oltaim (lukim D&C 14:7). Dispela presen em long stap insait long stap bilong God Papa na Pikinini Man bilong Em we em i lavim tumas oltaim oltaim insait long ol femili. Insait tasol long dispela kingdom bilong God antap moa yet, dispela selestel kingdom, bai gutpela banis bilong femili laip bai igo yet.

Yumi olgeta save hop long dispela hamamas bilong stap insait long ol gutpela femili. Long sampela bilong yumi, dispela em i filing yumi ino yet save long en—wanpela filing yumi save olsem ating yumi iken gat tasol yumi ino save yet long en. Yumi bin ken lukim long laip bilong ol narapela. Long ol sampela bilong yumi, femili lav ibin lukluk moa trupela na nambawan taim dai i mekim yumi longwe long wanpela pikinini, wanpela mama, wanpela papa, wanpela brata, wanpela susa, o wanpela bubu we yumi lavim tumas.

Yumi olgeta i pilim dispela hop olsem sampela dei yumi iken pilim gen dispela naispela laik bilong dispela femili memba yumi lavim tumas na nau yumi pilim pen long holimpas gen.

Papa bilong yumi long Heven husat i lavim yumi tumas i save long lewa na bel bilong yumi. As tingting bilong Em em long givim yumi hamamas (Lukim 2 Nephi 2:25) Na olsem Em ibin givim Pikinini Man bilong em long mekim iken kamap dispela hamamas bilong femili banis we iken go yet oltaim oltaim. Bikos Sevia i brukim ol ain rop bilong dai, yumi bambai kirap gen. Bikos Em i karim pen long ol sin bilong yumi, yumi iken, long feit bilong yumi na sori pasin bilong yumi, kamap igat namba long dispela selestel kingdom, we ol femili istap banis wantaim insait long lav oltaim oltaim.

Sevia yet i salim Profet Ilaija long Joseph Smith long bringim ikam bek ol ki bilong Prishud (lukim D&C 110). Wantaim ol dispela ki pawa bilong pasim ol samting ikam tu, we i ofaim bikpela tru ol presen bilong God long ol pikinini bilong Em—laip oltaim oltaim insait long ol femili stap banis wantaim oltaim oltaim.

Dispela em i wanpela ofa we olgeta pikinini bilong God husat ikam insait long graun iken kisim. Wanpela hap, olsem 30-pela long olgeta wan hundred, bilong ol spirit pikinini ibin ino laikim ofa bilong Em insait long spirit wol. Dispela i kamap long nogat inap feit na bihain long ples klia ol i pait long bruk lusim, ol i wokim sois long maski long save long dispela hamamas bilong presen bilong ol femili oltaim oltaim ikam long Papa long Heven.

Long ol dispela bilong yumi husat i abrusim dispela impoten tes insait long spirit wol pastaim long dispela graun na olsem yumi i gat namba long kisim dispela presen bilong bodi insait long dispela graun, dispela nambawan sois bilong laip oltaim oltaim em i stap yet wantaim yumi long mekim. Sapos yumi kisim blesing long painim dispela gospel we nau i kambek, yumi ken mekim sois long mekim na holim pas ol kavanen wantaim God husat i bai givim yumi namba bilong laip oltaim oltaim. Na taim yumi wok long karim yet igo isait long feit bilong yumi, Holi Gos ibai mekim strong hop bilong yumi na bilip bilong yumi olsem yumi wok long stap long dispela rot igo long laip oltaim oltaim, long stap insait long ol femili oltaim oltaim insait long selestel kingdom.

Long sampela, dispela hamamas bilong oltaim oltaim ibai luk olsem wanpela hop we ino strong inap o tu hop iwok long lus. Ol papamama, ol pikinini, ol brata, na ol susa ibin ken wokim ol sois we iluk olsem bai stopim ol long laip oltaim oltaim. Yu bai iken tingting sapos yu tu

bai kisim namba yet long Atonmen bilong Jisas Krai.

Wanpela profet bilong God ibin wanpela taim ofaim mi kaunsel we ibin givim mi pis. Mi bin wari olsem dispela ol sois bilong ol narapela iken mekim em hat tru long femili bilong mipela long bai stap wantaim oltaim oltaim. Em ibin tok, “Yu wok long wari long rong problem. Yu imas stap igat namba long selestel kingdom, na wei bilong stretim ol femili bai kamap gutpela moa long yu ken tingim.”

Long olgeta ol dispela lain husat long save bilong ol yet o long husat marit bilong ol na pikinini—bilong ol o we ol dispela ino stap—troim wanpela tudak igo antap long hop bilong ol, mi ofaim witnes bilong mi: Papa long Heven i save long yu na i lavim yu olsem spirit pikinini bilong Em. Taim yu bin stap wantaim Em na Pikinini Man bilong Em we em i lavim tumas bipo long dispela laip, Ol ibin putim insait long lewa na bel bilong yu dispela hop yu gat long laip oltaim oltam. Wantaim dispela pawa bilong Atonmen bilong Jisas Krai i wok na wantaim Holi Spirit i wok long soim rot long yu, yu ken pilim nau na bai yu pilim long dispela wol bihain dispela femili lav Papa bilong yu na Pikinini Man bilong Em we em i lavim tumas laikim tru bilong yu long kisim.

Mi tokaut olsem taim yu stap igat namba long dispela selestel kingdom, dispela promis bilong ol profet olsem “wei bilong stretim femili bai kamap gutpela moa long yu can tingim” bai bilong yu.

TISING LONG DISPELA TOKTOK

Tingting long statim olsem long tokim ol dispela lain yu tisim long wanpela taim taim yu bin hamamas long tok tenkyu long dispela hop bilong ol femili stap oltaim oltaim. Askim ol long tingting long bel bilong ol dispela ol taim taim ol ibin pilim hamamas long tenkyu long femili stap oltaim oltaim. Askim ol sapos ol ilaik sherim, Bihain yu ken askim ol long tingting long ol sampela wei long mekim gut moa yet na stap moa long igat namba long selestel kingdom olsem bai dispela promis bilong ol profet bilong “wei bilong stretim femili . . . gutpela moa long yu can tingim” iken kamap bilong ol tu.

YUT

Long Sherim Hamamas Oltaim Oltaim

Wanpela long ol dispela nambawan samting long dispela gospel em dispela save bilong dispela plen bilong salvesen. Yumi gat dispela naispela opotuniti long stap wantaim femili bilong yumi long taim oltaim

oltaim. Dispela save i halivim yumi long gat hop long taim yumi pilim olsem dispela graun i wok long daunim yumi. Presiden Eyring i tis olsem, “Papa bilong yumi long Heven husat i lavim yumi i save long lewa na bel bilong yumi. As tingting bilong em long yumi em long givim yumi hamamas (lukim 2 Nephi 2:25). Olsem na Em i givim yumi dispela presen long Pikinini Man bilong Em long mekim iken kamap dispela hamamas bilong banis bilong femili we em iken igo yet oltaim oltaim. . . . Em i wanpela ofa we olgeta pikinini bilong God husat ikam insait long dispela graun iken kisim.”

Dispela blesing ikam long yumi ol dispela husat istap laip nau na long yumi ol dispela husat i dai pinis—tasol long halivim tasol bilong yumi. Ol tumbuna bilong yumi istap long spirit wol nau, ol i wok long wetim yumi long stretim and putim nem bilong ol long ol temple odinens bai ol lain long temple iwokim bilong ol. Tasol sampela taim em iken kamap hat long wokim dispela wok bilong ol. Yumi iken bisi tumas, o yumi iken stap olsem long wei tumas long wanpela temple na bai yumi ino inap isi long go planti taim.

Laki olsem, igat sampela narapela wei yumi iken halivim ol tumbuna bilong yumi, olsem long wokim femili histori wok, wokim ol rekot, o long lukautim ol pikinini olsem ol papamama bilong yumi iken go long temple. Long halivim olsem, yumi sevim Bikpela na bringim dispela hop bilong ol femili oltaim oltaim long ol dispela lain husat istap long narapela sait long vel.

OL PIKININI

Ol Femili i Bilong Oltaim Oltaim

Bikos long Atonmen bilong Jisas Krai na dispela bringim kambek bilong prishud ki, yumi ken stap wantaim ol femili bilong yumi oltaim oltaim! Wanem samting tru yu save laikim insait long femili bilong yu? Bihainim ol dispela toktok long mekim dispela pepa sen long selebreitim femili bilong yu.

1. Poldim wanpela hap pepa long namel olsem bai yu igat wanpela longpela hap.
2. Droim wanpela man wantaim han bilong em tasim ol hap we yu poldim.
3. Katim piksa bilong dispela man. Noken katim hap we han bilong em i tasim ol hap we yu poldim.
4. Opim dispela hap pepa. Raitim o droim wanpela samting yu lavim long wanwan femili memba.
5. Tepim planti ol sen wantaim sapos yu gat bikpela femili moa!



Lukautim Ol Femili Wantaim

Feit, Femili, Rilif

Wantaim preiya stadim dispela ol samting na lukluk long save wanem samting bai yu sherim. Hau na save long "Femili: Tokaut I Go Long Dispela Graun" strongim feit bilong yu long God na blesim ol lain yu was long ol insait long visitin tising? Long moa infomesen, go long reliefsociety.lds.org.

Wanpela "man na meri bilong em i gat wanpela bikpela risponsibiliti long lavim na lukautim tupela yet na ol pikinini bilong tupela."¹ "Hom em imas kamap olsem ples we lav na sevis bilong God iken kamap," Presiden Russell M. Nelson, Presiden bilong Kwarom bilong ol Twelpela Aposol ibin tok.

"Papa bilong yumi long Heven i laikim ol man na ol meri bilong ol imas stap tru long tupela yet na tupela imas onaim na wokim gut long ol pikinini bilong tupela olsem wanpela samting we tupela i kisim ikam long Bikpela."²

Insait long Buk bilong Momon, Jacob itok olsem dispela lav ol man igat long ol meri bilong ol, dispela lav we ol meri igat long ol man bilong ol, na dispela lav em tupela igat long ol pikinini bilong tupela em i stap insait long het tingting ol Lamanites ibin long wanpela taim kamap moa gutpela long ol Nephites (lukim Jacob 3:7)

Wanpela long ol gutpela wei long bringim lav na gutpela sindaun i kam insait long ol hom bilong yumi em long pasin bilong toktok gut long ol femili memba bilong yumi. Taim yumi toktok gut bai

yumi bringim Holi Gos kam. Sister Linda K. Burton, Rilip Sosaiti jenerol presiden, askim yumi long tingim dispela: "Hamas taim yumi save laik long wokim na 'toktok ol gutpela tok long wanpela narapela?'"³

Sampela narapela skripsa

Romans 12:10; Mosiah 4:15; Doctrine and Covenants 25:5

Ol stori stap laip

Elda D. Todd Christofferson bilong Kwarom bilong ol Twelpela Aposol i sherim wanpela samting em ibin pilim taim em ibin liklik mangi we ibin kamapim gutpela tingting long em long impotens bilong family igat lav namel long ol. Taim em na ol brata bilong em bin mangi tasol, mama bilong ol ibin kisim wanpela bikpela sejeri we ol dokta bin katim em long sik kensa na dispela ibin givim em bikpela pen taim em i yusim han sut bilong em. Wantaim ol pikinini man insait long femili, ol ibin gat planti klos long anim, tasol taim mama bilong em ibin save ain, planti taim em bai stop na go insait long room bilong em na karai inap pen igo.

Taim papa bilong Elda Christofferson i luksave long wanem

samting wok long kamap, em ibin hait and ino bin save kaikai long belo long klostu wanpela yia long sevim inap mani long baim wanpela masin we i save mekim isi long ain. Bikos long lav bilong em long meri bilong em, em i mekim dispela eksampol bilong lukaut insait long femili long ol pikinini man bilong em. Long dispela naispela samting, Elda Christofferson itok olsem, "Mi no bin save long dispela sakripais bilong papa bilong mi na dispela lav mama bilong mipela i wokim long dispela taim, tasol nau taim mi save, mi tok olsem long mi yet, 'Em ya wanpela man stret.'"⁴

OL NOU

1. "Femili: Tokaut igo long dispela Graun," *Liahona*, Nov. 2010, 129.
2. Russell M. Nelson, "Salvation and Exaltation," *Liahona*, May 2008, 8.
3. Linda K. Burton, "We'll Ascend Together," *Liahona*, May 2015, 31.
4. D. Todd Christofferson, "Let Us Be Men," *Liahona*, Nov. 2006, 46.

Tingim Dispela

Hau na dispela pasin bilong lav na lukautim wanpela narapela bai bringim Spirit ikam insait long ol hom bilong yumi?